

आकाशवाणी

खबरां

- भारत नै त्रिनिदाद-टोबैगो कन्नै दुआइए सनें होर केई बक्ख-बक्ख क्षेत्रें च साथ सैहयोग बधाने बारे 6 समझौते पर दस्तखत कीते न।
- प्रधानमंत्री नरेन्द्र मोदी होरें त्रिनिदाद संसद दे विशेष सत्र गी संबोधत कीता, दौनें मुख्यें बशकार लोकतांत्रिक मुल्यें कद्रे ते सदिएं पराने रिश्ते गी चेता कीता।
- 5एं मुख्यें दे दौरे पर गेदे प्रधानमंत्री नरेन्द्र मोदी होर अर्जेन्टीना पुज्जी गे न, उत्थें उंदा राष्ट्रपति जैवियर मोली हुंदे नै मलाटी लाने दा कार्यक्रम ऐ।
- केन्द्री मंत्री पियूष गोयल होरें आखेआ ऐ जे भारत कोई बी बपार समझौता अपनी शर्ते पर करदा ऐ ते इसी मंजूरी तां गै थ्हांदी ऐ जेकर एह देश दे हितै च होए।
- भारत दे डी.गुकेश नै क्रोएशिया च आयोजित ग्रैंड चैस टूर 2025 दा रैपिड टाइटल जित्ती लैता ऐ।

<><><><><><>

PM MoUS

प्रधानमंत्री नरेन्द्र मोदी होरें त्रिनिदाद-टोबैगो दे अपने हमरूतबा कमला प्रसाद बिस्सेसर हुंदे नै उत्थें दे एतिहासक रैड हाउस च मलाटी दे बाद 6 समझौते पर दस्तखत कीते न। इनें समझौते च दुआइए दे निर्माण कोला लेइयै होर केई बक्ख-बक्ख क्षेत्रें च साथ सैहयोग बधाने बारे करारनामें शामिल न। इस बारेमगरा मीडिया कन्नै गल्ल करदे होई प्रधानमंत्री मोदी होरें आखेआ जे भारत त्रिनिदाद टोबैगो कन्नै अपने आर्थिक सरबंध मतबूत बनाने दी इच्छेआ रखदा ऐ, चेचा करियै आपदा प्रबंधन, जलवायु परिवर्तन, रक्षा, टैनालोजी, सेहत दिक्खभाल ते राई-बाई दे क्षेत्र च, अनुसंधान दे क्षेत्रें च दवै मुख्य इक-दुए कन्नै साथ सैहयोग बधाने दी तांहग रखदे न।

<><><><><><>

Modi Address

प्रधानमंत्री नरेन्द्र मोदी होरें कल पोर्ट ऑफ स्पेन च त्रिनिदाद ते टोबैगो दी संसद दे सांझे इजलास गी संबोधत कीता। इस एतिहासक संबोधने च मोदी होरें आखेआ जे विकासशील मुल्खें दी अवाज हाशियै पर ऐ ते भारत अपने इनें सैहयोगिएं कन्नै मिलियै दक्खनी गोलार्ध दे इनें मुल्खे गी इक उत्थें मंच पर लेई जाग जित्थें उनेंगी उंदा बनकदा अधिकार ते मकाम दोआया जा। मोदी होरें आखेआ जे भारत लेई लोकतंत्र छड़ा इक राजनीति तरीकातार नेई ऐ सगुआं जीन जीने दा इक तरीका ऐ। उनें दौनें मुल्खें दी सदिएं परानी दोस्ती ते सांझ गी चेता करदे होई भविष्य च बक्ख-बक्ख क्षेत्रें च किट्ठे रलियै कम्म करने दी वचनबद्धता पक्की कीती।

<><><><><><>

PM-Argentina

प्रधानमंत्री नरेन्द्र मोदी होर त्रिनिदाद टोबैगो दी कामयाब यात्रा दे बाद 5 देशें दी यात्रा दे त्रीए गेड़ लेई पोर्ट ऑफ स्पेन थमां व्यूनस आयर्स पुज्जी गे न। इस दौरें दा मकसद ग्लोबल साउथ दे मुल्खे कन्नै भारत दे सरबंधें गी निगगर करना ऐ। अर्जेन्टीना दी राजधानी च होटल पुज्जने पर भारतीय समुदाय दे लोकें उंदा निगगर कीता। मोदी हुंदा सुआगत लोकें कत्थक, भरतनाट्यम ते ओडिशी नाच दी विशेष शास्त्रीय नाच आली पेशकश कन्नै कीता। प्रधानमंत्री हुंदा राष्ट्रपति जेवियर माइली हुंदे कन्नै बैठक लाने दा कार्यक्रम ऐ जिस दरान दौनें मुल्खें बश्कार सरबंध निगगर बनाने ते बक्ख-बक्ख क्षेत्रें च साथ सैहयोग बधाने बारे चर्चा होने दी मेद ऐ।

<><><><><><>

PM

प्रधानमंत्री नरेन्द्र मोदी होर त्रिनिदाद टोबैगो दी कामयाब यात्रा दे बाद 5 देशें दी यात्रा दे त्रीए गेड़ लेई पोर्ट ऑफ स्पेन थमां व्यूनस आयर्स पुज्जी गे न। इस दौरें दा मकसद ग्लोबल साउथ दे मुल्खे कन्नै भारत दे सरबंधें गी निगगर करना ऐ। प्रधानमंत्री मोदी होर अपना अर्जेन्टीना दा दौरा अज्ज संजा अर्जेन्टीना दे महान स्वतंत्रता सेनानी ते राष्ट्री हीरो जनरल जोस डे सेन मार्टिन हुंदी प्रतिमा पर श्रद्धांजलि अर्पित करियै शुरू करगंन। एह्दे मगरा

प्रधानमंत्री हुंदा भव्य सुआगत कीता जाग। प्रधानमंत्री मोदी होरेंएहदे मगरा प्रतिनिधिमंडल सतह् दी गल्लबात करगंन ते तगरा उंदे सम्मान च राष्ट्रपति जेवियर होरें दपैहरी दा भोज रखे दा ऐ। श्री मोदी हुंदा आरकोनिक क्लब बोका जूनियर्स दे फुटबाल स्टेडियम च बी जाने दा कार्यक्रम ऐ। प्रधानमंत्री हुंदे इस दौरे कन्नै दवै देशें बश्कार रणनीतिक सांझेदारी बघने दी मेद ऐ। प्रधानमंत्री मोदी होर राष्ट्रपति जैवियर हुंदे साद्दे पर अर्जेनटीना दे दौरे पर न। दौनें नेताएं बश्कार खीरी मुलाकात नवम्बर 2024 च जी-20 सम्मेलन दे बाहरले ब्राजील दे रियो डे जेनरी च होई ही।

<><><><><><>

PM Brazil

प्रधानमंत्री नरेन्द्र मोदी होर ब्राजील दे रियो दे जेनैरी च इस म्हीने दी 6 ते 7 तरीक गी ब्रिक्स सम्मेलन च हिस्सा लेंगन। एहदे मगरा उंदा ग्रासिलिया दे दौरे दा कार्यक्रम ऐ। पिछले 6 दहाके च एह कुसा भारती प्रधानमंत्री हुंदा पैह्ला दौरा होग। अपने दौरे दे दरान मोदी होर ब्राजील दे राष्ट्रपति लूईस इनेकिमी लूला डा सिल्वा हुंदे सनें दुए वैश्विक नेताएं कन्नै गल्लबात करगंन।

<><><><><><>

Goyal

उद्योग ते वाणिज्य मंत्री पीयूष गोयल होरें आखेआ ऐ जे भारत बपार सरबन्धी समझौते अपली शर्तें पर करदा ऐ ते कदे बी समें सीमा दे आधार पर फैसले नेई लैते जंदे। नमीं दिल्ली च मीडिया कन्नै अमरीका कन्नै होए दे बपार समझौते बारे बोलदे होई मंत्री होरें आखेआ जे मुक्त बपार समझौता उसलै गै तोड़ चढ़दा ऐ जिसलै ओहदे च आपसी लाह होवै। उनें आखेआ जे बपार समझौता इक राष्ट्र गी उसलै मंजूर होंदा ऐ जिसलै ओ परिपक्ख ओ ते देश दे हित च ओ। गोयल होरें दस्सेआ जे अमरीका, यूरोप ते न्यूजीलैंड सनें बक्ख'बक्ख देशें कन्नै समझौता सरबन्धी गल्लबात चला'रदी ऐ।

<><><><><><>

4th Batch-SANJY

सख्त सुरक्षा बंदोबस्त हेठ 6 ज्हार 979 श्रद्धालुएं दा चौथा जत्था जम्मू दे भगवती नगर यात्री निवास आधार शिविर थमां श्री अमरनाथ जी दी पवित्र गुफा दे दर्शनें आस्तै कश्मीर घाटी दी यात्रा आस्तै रवाना होआ। श्रद्धालु अज्ज बडलै 312 गड्डिडएं दे काफले च आधार शिविर थमां रवाना होए। इस जत्थे च 5 ज्हार 796 मर्द, 827 जनानियां, 24 न्याणे, 247 साधु, 84 साध्वियां ते इक ट्रांसजेंडर शामिल न। उंदे चा 2 ज्हार 753 श्रद्धालु बालटाल आधार शिविर लेई रवाना होए, जिसलै के 4 ज्हार 226 श्रद्धालु पहलगाम आधार शिविर गे, जित्थुआं ओह पवित्र गुफा तगर अपनी यात्रा जारी रखगंन।

<><><><><><>

Chess

भारत दे गुकेश डोम्माराजू नै क्रोएशिया दे जाग्रेब च सुपर युनाइटेड रैपिड एंड व्लिटज प्रतियोगिता व रैपिड शतरंज दा खताब जित्ती लैता ऐ। विश्व शतरंज चैंपियन गुकेश नै खीरी राउंड च अमरीका दे वेस्तीसो गी हराइयै खताब अपने नां कीता। एह प्रतियोगिता ग्रैंड चैस टूर 2025 दा हिस्सा ऐ। 19एं ब'रे दे गुकेश रैपिड सेक्शन च 18एं चा 14 अंक हासल करियै पैहली थाहरे पर रेह, जिसलै ते 11 अंक हासल करने आले पोलैंड दे जान कजीश्टाक ते 10 अंक हासल करियै साबका विश्व चैंपियन ते दुनिया दे दुए नंबरै दे खडारी वन मैगनस कार्लसन त्रीए नंबरे पर रेह।

<><><><><><>

Chess-FIDE World Cup

शतरंज फिडे विश्वकप अज्जै थमां जॉर्जिया दे बातूमी च शुरू होआ'रदा ऐ। भारत दी तरफा 9 महिला खडारी एहदे च हिस्सा लेंगन। कोनेस्हम्पी, हरिका द्रोणावली, आर वशाली ते दिव्या देशमुख गी फिडे रेटिंग दी बिनाह पर सिद्धे प्रतियोगिता दे दुए राउंड च प्रवेश हासल होइ गेआ ऐ जिसलै जे किरण मनीषा मोहंती, पियंकाके., वतिका अग्रवाल, पदमनी राउत ते नंदिनी

पी.जी पैहने राचंड थमां अपने अभियान दी शुरुआत करगन। एह प्रतियोगिता फिडे महिला खडारिएं लेई अगले ब'रे होने आली प्रतियोगिता दे क्वालीफायर दे रूपै च होग।

<><><><><><>

Khelo India

श्रीनगर दी मशहूर डल झील च पानी सरबंधी खेड्डें आहले पैहले-पैहले खेलो इंडिया वाटर गेम्स दा आयोजन कीता जाहग। औंदी 21 थमां 23 अगस्त तगर होने आहली इ'नें खेड्डें च देसै दे बक्ख-बक्ख हिस्सें थमां 400 शा मते खड्डारी बक्ख-बक्ख खेड्ड मुकाबलें च अपना दम-खम दस्सडन। केन्द्री खेड्ड मंत्री मनसुख मांडविया होरें मीडिया कन्नै गल्लबात करदे होई इस प्रतियोगिता दा ऐलान कीता ऐ ते कन्नै इब्बी आखेआ ऐ जे खेलो इंडिया अभियान दे विस्तार लेई सरकार दे जतनें गी एहदे कन्नै बल थहोग। इ'नें खेड्डें दरान क्याकिंग, कैनोइंग, रोइंग ते स्कींग सने शिकारे ते ड्रैगन बोट दे मुकाबलें दा आयोजन बी कीता जाहग। मेद ऐ जे 36एं राज्यें ते केन्द्र शासित प्रदेशें थमां खड्डारी, अपनी किस्मै दे इस पैहले-पैहले आयोजन च हिस्सा लैडन।

<><><><><><>

NCC Udhampur

एनसीसी दे अतिरिक्त महानिदेशक मेजर जनरल अनुपिंदर बेवली होरें अज्ज उधमपुर दे जनरल ज़ोरावर सिंह एनसीसी सिखलाई केन्द्र दा दौरा लाया। साढ़े जिला संवाददाता दी रिपोर्ट मूजब, इस केन्द्र च ऐल्लै खित्ते दे बक्ख-बक्ख हिस्सें थमां आए दे तकरीबन 3 ज्हार कैडेट सिखलाई हासल करै करदे न। एहदे तैहत इ'नें कैडेटें गी थेआरें चलाने, आपदा प्रबंधन दे बेल्ले महत्वपूर्ण भूमिका निभाने, मेडिकल दिक्खभाल ते युद्ध कौशल सरबंधी हुनर सखाए जा'रदे न। मेजर जनरल अनुपिंदर हु'दे इस दौरे दा मकसद, सिखलाई सरबंधी मानकें दी परख करने दे कन्नो-कन्नी कैडेटें गी प्रेरित करना बी ऐ जे ओह अनुशासत जीवन जींदे

होई पूरी जिम्मेदारी कन्नै देश-सेवा च अपना जोगदान देन। इस सरबंघै च आकाशवाणी
समाचार कन्नै गल्ल करदे होई मेजर जनरल अनुपिंदर बेवली होरें आखेआ

<><><><><><>